

# OKKAR Framtíð

## Trygging vegna slyss eða sjúkdóms

### HUGTAKA- OG ORÐASKILGREININGAR

**Félagið:** Sá sem með samningi skuldbindur sig til að veita váttryggingu, hér OKKAR líftryggingar hf.

**Váttryggingartaki:** Sá sem gerir einstaklingsbundinn samning við félagið um váttrygginguna. Váttryggingartaki er forsjáaðili barns. Skilyrði er að váttryggður hafi sama lögheimili og váttryggingartaki. Við 18 ára aldur váttryggðs breytist réttarstaða aðila þannig að váttryggður verður einnig váttryggingartaki með þeim réttindum og skyldum sem því fylgir, en forsjáaðili glatar stöðu sinni sem váttryggingartaki.

**Váttryggður:** Sá einstaklingur á aldrinum 3ja mánaða til 26 ára sem váttryggingin tekur til.

**Váttryggingaratburður:** Atvik sem samkvæmt váttryggingarsamningi veldur því að til greiðslu bóta getur komið.

**Váttryggingarskírteini:** Staðfesting félagsins á því að váttryggingarsamningur hafi verið gerður.

**Aðalgjalddagi:** Aðalgjalddagi váttryggingarinnar er 1. janúar ár hvert.

### 1. GR. INNGANGUR

Grundvöllur váttryggingarsamningsins eru skilmálar þessir, upplýsingar á váttryggingarumsókn og önnur gögn sem tengjast samningnum, bæði við upprunalega gerð hans og síðar.

Um samninginn gilda lög um váttryggingarsamninga nr. 30/2004. Ákvæði í váttryggingarskírteini, váttryggingarskilmálum þessum og tilkynningu um aðalgjalddaga ganga framar frávikjanlegum lagaákvæðum.

### 2. GR. UM GILDISTÖKU VÁTTRYGGINGARINNAR OG GILDISTÍMA

Ábyrgð félagsins hefst á útgáfudegi, þegar félagið hefur móttekið og samþykkt undirritaða umsókn með nauðsynlegum fylgigögnum samkvæmt reglum félagsins um áhættumat og endurtryggingu.

Váttryggingin gildir frá útgáfudegi, sem tilgreindur er í váttryggingarskírteini, og endurnýjast til árs í senn til þess tíma sem tiltekinn er í váttryggingarskírteini, þó að hámarki til 26 ára aldurs váttryggðs. Félagið váttryggir ekki börn yngri en 3ja mánaða.

Váttryggingartaki hefur 30 daga frest (iðrunarfrest) til að segja váttryggingunni upp, frá þeim tíma er honum barst tilkynning frá félaginu um gildistöku samningsins.

#### 2.1. GILDISSVIÐ

Váttryggingin bætir tjón sem verður vegna slyss eða sjúkdóms váttryggðs, sem á sér stað eftir gildistöku tryggingarinnar.

Váttryggingin bætir því ekki tjón sem rekja má til sjúkdóma eða slysa sem áttu sér stað eftir að váttryggingin féll úr gildi eða fyrir gildistöku hennar.

### 3. GR. HVAR GILDIR VÁTTRYGGINGIN

Váttryggingin gildir á Norðurlöndunum. Þó gildir váttryggingin í allt að eitt ár ef váttryggður flytur frá Norðurlöndunum. Tilkynna ber með skriflegum hætti breytingu sem verður á búsetu váttryggðs sbr. takmörkun skv. gr. 9.2.

### 4. GR. SVIK OG RANGAR UPPLÝSINGAR

Hafi váttryggingartaki vanrækt upplýsingaskyldu sína, sviksamlega eða með þeim hætti sem ekki telst óverulegur, hvað varðar atvik sem hafa þýðingu við mat félagsins á áhættunni, getur það haft í för með sér að ábyrgð félagsins falli niður í heild eða að hluta, uppsögn samningsins eða hækkun iðgjalds, sbr. XIII. kafla laga nr. 30/2004.

### 5. GR. GREIÐSLA IÐGJALDS

Fyrsta iðgjald fyrir váttrygginguna fellur í gjalddaga við gildistöku váttryggingarinnar. Endurnýjunariðgjald fellur í gjalddaga á endurnýjunardegi váttryggingarinnar.

Iðgjöld skulu greidd á gjalddaga. Greiðslufrestur er minnst 30 dagar frá því að félagið sendir kröfu um greiðslu iðgjalds. Félaginu er heimilt að segja upp váttryggingarsamningi með skriflegri tilkynningu ef iðgjald hefur ekki verið greitt 30 dögum eftir gjalddaga. Í því tilviki skal váttryggingartaki hafa fjórtán sólarhringa frest til þess að greiða ógreitt iðgjald, að öðrum kosti fellur tryggingin úr gildi.

Ef iðgjald er ekki greitt á gjalddaga, skal váttryggingartaki greiða dráttarvexti á iðgjaldi í vanskilum og allan vanskilakostnað sem af vanefndum hans hljótask, þ.m.t. kostnað vegna vanefnda-tilkynninga og lögræðiinnheimtu.

### 6. GR. ENDURNÝJUN OG UPPSÖGN

Váttryggingin endurnýjast á aðalgjalddaga til eins árs í senn, hafi henni ekki verið sagt upp. Ætli félagið ekki að framlengja váttrygginguna fram yfir þann tíma, skal það tilkynna váttryggingartaka það í síðasta lagi tveimur mánuðum áður en váttryggingartímabilið er á enda.

Váttryggingartaki getur sagt váttryggingunni upp hvenær sem er á váttryggingartímanum. Váttryggingunni skal sagt upp skriflega.

Váttryggingartaki skal greiða fyrir það tímabil sem félagið ber ábyrgð samkvæmt váttryggingunni.

### 7. GR. VÁTTRYGGINGARFJÁRHÆÐ

Váttryggingarfjárhæð er valin á umsókn og kemur fram á skírteini og á tilkynningu um aðalgjalddaga. Váttryggingarfjárhæðin er notuð til ákvörðunar örorkubóta, dagpeninga vegna sjúkráhuðssdvalar og umönnunar á heimili skv. nánari skilgreiningu í skilmálum þessum. Dánarbætur koma fram á váttryggingarskírteini og tilkynningu um aðalgjalddaga.

Krafa um bætur fellur í gjalddaga 14 dögum eftir að fullnægjandi gögn hafa borist fyrir bótaskyldu félagsins og unnt er að ákveða fjárhæð bótanna. Félagið áskilur sér rétt til þess að afla nauðsynlegra og fullnægjandi gagna áður en bætur eru ákveðnar og greiddar.

### 8. GR. VÁTTRYGGINGIN BÆTIR

Váttryggingin greiðir:

- Örorkubætur vegna varanlegrar læknisfræðilegrar örorku af völdum sjúkdóms eða slyss.
- Dagpeninga vegna umönnunar á heimili.
- Dagpeninga vegna sjúkráhuðssvistar.
- Sjúkdómabætur vegna sjúkdóma sem nánar eru tilgreindir í skilmálum þessum.
- Iðgjaldafrelsi.
- Dánarbætur.

Dagpeningar vegna umönnunar á heimili og dagpeningar vegna sjúkráhuðssvistar greiðast ekki eftir 18 ára aldur.

#### 8.1. ÖRORKUBÆTUR VEGNA VARANLEGRAR LÆKNISFRÆÐILEGRAR ÖRORKU

##### 8.1.1. SKILGREININGAR

Váttryggingin bætir varanlega læknisfræðilega örorku af völdum sjúkdóms eða slyss, sem metin er í fyrsta lagi eftir eitt ár.

##### Varanleg læknisfræðileg örorka

Með varanlegri læknisfræðilegri örorku í váttryggingu þessari, er átt við að slyss eða sjúkdómur hefur haft í för með sér varanlega skerðingu á líkamlegri getu hins váttryggða af völdum váttryggingaratburðarins.

Örorku skal meta í hundradshlutum samkvæmt töflum örorkunefndar um miskastig sem í gildi eru þegar örorkumat fer fram.

Sé áverka eða ástands ekki getið í töflum örorkunefndar um miskastig skal nota sænskar miska- og örorkutöflur, sem gefnar eru út af samtökum sænskra tryggingafélaga.

#### Slys

Með orðinu „slys“ er hér átt við skyndilegan utanaðkomandi atburð sem veldur meiðslum á líkama váttryggðs og gerist án vilja hans.

#### Sjúkdómur

Með orðinu „sjúkdómur“ er átt við heilsubrest sem ekki flokkast undir slys hér á undan. Sjúkdómurinn hefur í för með sér að líkamleg eða andleg færni hins váttryggða skerðist sannanlega vegna hans. Upphaf sjúkdóms miðast við greiningardag.

#### 8.1.2. BÓTAFJÁRHÆÐIN

Útborgaðar bætur eru jafn stórt hlutfall váttryggingarfjárhæðarinnar og samsvarar læknisfræðilegu örorkustigi, sbr. gr. 8.1.1. Heildarörorkustig vegna sama sjúkdóms eða slyss er takmarkað við 100%, og þá eru læknisfræðilega tengdir sjúkdómar teknir sem einn og sami sjúkdómurinn.

Bótaupphæðin er leiðrétt með stuðli samkvæmt eftirfarandi töflu eftir örorkustigi sjúkdómsins eða slyssins:

| Örorkustig   | Stuðull |
|--------------|---------|
| 0 % - 10 %   | 0       |
| 11 % - 50 %  | 1       |
| 51 % - 75 %  | 2       |
| 76 % - 100 % | 3       |

Ef örorkustig er 10% eða lægra, eru ekki greiddar bætur vegna varanlegrar læknisfræðilegrar örorku.

Við 18 ára aldur breytist tafla vegna örorkustigs sem hér segir:

| Örorkustig   | Stuðull |
|--------------|---------|
| 0 % - 15 %   | 0       |
| 16 % - 50 %  | 1       |
| 51 % - 75 %  | 2       |
| 76 % - 100 % | 3       |

Eftir 18 ára aldur eru ekki greiddar bætur vegna varanlegrar örorku ef örorkustig er 15% eða lægra.

#### 8.1.3. BÓTARÉTTURIN

Rétturinn til bóta vegna varanlegrar læknisfræðilegrar örorku skapast þegar sjúkdómur eða slys hefur valdið varanlegri skerðingu á líkama hins váttryggða, og ástand hans er stöðugt. Þegar um varanlega læknisfræðilega örorku er að ræða skapast réttur til greiðslu bóta vegna örorku í fyrsta lagi 12 mánuðum eftir að sjúkdómur greindist eða slysið varð og fyrir liggur örorkumat sem staðfestir varanlegar afleiðingar.

Fresta má örorkumati svo lengi sem þörf krefur samkvæmt læknisfræðilegri reynslu eða vegna fyrirbyggjandi möguleika á endurhæfingu, þó ekki lengur en í 10 ár frá tjónsáttburði. Við útborgun er miðað við vísitölu neysluverðs í mánuðinum á undan tjónsdegi og bótafjárhæðin uppfærð í samræmi við breytingar á vísitölunni þar til í mánuðinum fyrir uppgjörsdag.

Ef váttryggður andast áður en réttur til bóta vegna varanlegrar læknisfræðilegrar örorku hefur skapast eru bætur vegna varanlegrar læknisfræðilegrar örorku ekki greiddar út. Hafi réttur til bóta vegna örorku skapast er borguð út upphæð sem samsvarar staðfestri varanlegri læknisfræðilegri örorku sem talið er að hafi legið fyrir við andlátíð.

Við greiðslu bóta vegna varanlegrar læknisfræðilegrar örorku fellur váttryggingin úr gildi.

Bætur vegna varanlegrar læknisfræðilegrar örorku verða greiddar inn á bundinn reikning í vörslu viðurkenndrar fjármálastofnunar á Íslandi nafni váttryggðs og verða lausar til útborgunar við 18 ára aldur váttryggðs. Eftir 18 ára aldur váttryggðs greiðast bætur vegna varanlegrar læknisfræðilegrar örorku til váttryggðs.

#### 8.2. DAGPENINGAR VEGNA SJÚKRAHÚSSDVALAR

Váttryggingin greiðir váttryggingartaka 0,04% váttryggingarfjárhæðarinnar í dagpeninga, sbr. 7. gr., ef hinn váttryggði er innlagður á sjúkrahús í að minnsta kosti 7 daga samfelld. Eftir 7 daga samfellda sjúkrahúsvist eru dagpeningarnir greiddir út frá fyrsta degi og að hámarki í 365 daga ef hinn váttryggði er á sjúkrahúsi vegna eins og sama sjúkdóms eða slyss eða afleiðinga þess og á meðan váttryggingin var í gildi.

Dagpeningar vegna sjúkrahússvistar greiðast ekki eftir 18 ára aldur.

#### 8.3. DAGPENINGAR VEGNA UMÖNNUNAR Á HEIMILI

##### 8.3.1. SKILGREINING

Váttryggingin greiðir bætur til váttryggingartaka ef hann á rétt á umönnunarbótum frá almannatryggingum vegna sjúkdóms eða slyss hins váttryggða. Skilyrði greiðslu dagpeninga vegna umönnunar á heimili er að váttryggður hafi legið á sjúkrahúsi vegna sjúkdómsins eða slyssins.

Bótarétturinn helst svo lengi sem skilyrði fyrir bótagreiðslu eru uppfyllt, þó ekki lengur en til 18 ára aldurs váttryggðs eða að hámarki í 10 ár.

Ef hinn váttryggði andast, fellur rétturinn til mánaðarlegra bóta niður í lok andlátsmánaðar.

##### 8.3.2. BÓTAFJÁRHÆÐIN

Árleg bótaupphæð er reiknuð út samkvæmt eftirfarandi:

Ef umönnunarbætur almannatrygginga eru 81-100 % eru 10 % váttryggingarfjárhæðar greiddar út.

Ef umönnunarbætur almannatrygginga eru 61-80 % eru 7,5 % váttryggingarfjárhæðar greiddar út.

Ef umönnunarbætur almannatrygginga eru 41-60 % eru 5 % váttryggingarfjárhæðar greiddar út.

Ef umönnunarbætur almannatrygginga eru 20-40 % eru 2,5 % váttryggingarfjárhæðar greiddar út.

Bæturnar eru greiddar mánaðarlega eftir á um leið og réttur til þeirra skapast og þá greiddur 1/12 af árlegum bótum til váttryggingartaka.

#### 8.4 SJÚKDÓMABÆTUR

##### 8.4.1 BÓTASVIÐ OG SKILYRÐI BÓTA

Sjúkdómabætur greiðast í eingreiðslu ef váttryggður hlýtur eftirfarandi sjúkdómsgreiningu:

- MS (heila- og mænusigg)
- Krabbamein
- Góðkynja heilaæxli
- Sykursýki
- Alvarleg brunasár
- Slímseigisjúkdómur
- Liðagigt
- Blinda
- Alnæmi (AIDS) vegna stunguóhapps eða af völdum blóðgjafar

Ekki eru greiddar bætur vegna ofangreindra sjúkdóma sem greinast á fyrstu þremur mánuðum eftir gildistöku váttryggingarinnar. Greining sjúkdóms skal staðfest af sérfræðingi. Bótaskylda er háð því að váttryggður sé á lífi 30 dögum eftir að sjúkdómsgreining hefur fengist.

#### 8.4.2 BÓTAFLOKKAR OG SKILGREININGAR

##### A. MS (heila- og mænusigg) (Multiple Sclerosis)

Heila- og mænusigg greint á barnaeild við viðurkennt sjúkrahús eða af sérfræðingi í taugasjúkdómum. Hinn tryggði verður að hafa taugakerfiseinkenni í a.m.k sex mánuði eða haft amk. tvö klínísk staðfest tímabil einkenna. Þessu til staðfestingar skulu einkenni afmýlingar og truflun hreyfinga og skynjunar vera dæmigerð og greind með segulómrannsókn og/eða með rannsókn á mænuvökva.

##### B. Krabbamein (Cancer)

Illkynja æxli sem einkennist af stjórnlausum vexti og dreifingu illkynja fruma ásamt ífarandi vexti í vefi. Þetta á við um hvítblæði (annað en langvinnt eitilfrumuhvítblæði) og illkynja eitlaæxli (lymphomas), og Hodgkinssjúkdóm á stigi II-IV.

Undanskilin eru:

- Hvers konar húðkrabbamein
- Öll æxli sem er vefjafræðilega lýst sem forstigeinkennum eða sem einungis sýna snemmbærar illkynja breytingar
- Setbundið krabbamein, ekki ífarandi

##### C. Góðkynja heilaæxli (Benign Brain Tumour)

Æxli í heila sem ekki er illkynja, en veldur varanlegum skaða á miðtaugakerfi.

Undanskilin eru:

- Blöðrur (cysts)
- Hnúðar (granulomas)
- Heilahimnuæxli (meningiomas)
- Seilaræxli (choromas)
- Æðagallar
- Heilamar og æxli í heiladingli eða mænu

##### D. Sykursýki (Diabetes Mellitus 1)

Sykursýki greind af sérfræðingi í barnalækningum eða lyflækningum. Fastandi blóðsykur verður í endurteknum sýnum að hafa verið hærrí en 8 mmol/l og váttrygður verður að hafa fengið meðhöndlun með insúlíni í meira en þrjá mánuði.

##### E. Alvarleg brunasár (Third Degree Burns)

Alvarleg brunasár eru skilgreind hér sem þriðja stigs brunasár sem þekja a.m.k 20% af yfirborði líkama váttryggðs, staðfest af sérfræðingi.

##### F. Slímseigjusjúkdómur (Cystic Fibrosis)

Slímseigjusjúkdómur greindur af sérfræðingi í barnasjúkdómum. Váttrygður verður að hafa haft langvinnan lungnasjúkdóm og/eða skort á framleiðslu brissafa. Jafnframt verður svitapróf að sýna að styrkur klóríðs sé meiri en 60 mmol/l hjá 16 ára og yngri og meiri en 80 mmol/l hjá eldri en 16 ára.

##### G. Liðagigt (barna liðagigt/langvinn liðagigt) (Juvenile Rheumatoid Arthritis)

Barnaliðagigt eða langvinn liðagigt greind á viðurkenndu sjúkrahúsi eða hjá sérfræðingi í gigtarlækningum. Með gigt er í öllu samhengi átt við liðbólgu og að minnsta kosti tvö af eftirfarandi einkennum: Hreyfiskerðingu, hitaaukningu og sársauka.

##### Liðagigt hjá yngri en 16 ára

Gigt í fleiri en einum lið í meira en þrjá mánuði. Rannsóknir skulu hafa farið fram sem útiloka að einkennin stafi frá liðbólgu tengdri sýkingu, smitandi liðsjúkdómi, bæklunarsjúkdómi, áverkum, óeðlilegri nýmyndun vefja, ónæmishöfnun og æðabólgu.

##### Liðagigt hjá eldri en 16 ára

Að minnsta kosti fjögur af eftirfarandi sjö einkennum skulu vera til staðar:

1. Morgunstirðleiki

2. Liðbólga í þremur eða fleiri af eftirfarandi liðum samtímis: úlnliður, nærkjúkuliður fingra, miðkjúkuliður fingra, olnbogi, hnélið, ökkliði og tábergslíði
  3. Liðagigt í eftirfarandi liðum handarinnar: úlnliður, nærkjúkuliður fingra eða miðkjúkuliður fingra
  4. Samhverf liðagigt (liðagigt í sömu liðum á hægri og vinstri helmingi líkamans á sama tíma)
  5. Gigtarhnútar
  6. Jákvæðir gigtarþættir
  7. Dæmigerðar röntgenbreytingar á handa- og úlnliðsmyndum.
- Einkenni 1-4 verða að hafa verið til staðar í minnst 6 vikur. Einkenni 2-5 verða að hafa fundist af sama lækni og greindi sjúkdóminn

##### H. Blinda (Blindness)

Varanleg ólæknandi sjónskerðing, svo mikil að jafnvel þegar prófað er með sjónrænum hjálpargögnum mælist sjónin 3/60 eða minni á betra auganu með notkun Snella augnspjaldsins. Greining verður að hafa átt sér stað hjá augnlækni eða sérfræðingi í augnsjúkdómum.

##### I. Alnæmi (AIDS)

Eyðniveirusmit af völdum stunguóhapps sem váttryggður verður fyrir af völdum nálar sem skilin hefur verið eftir á leiksvæðum, útivistarsvæðum eða öðrum opnum svæðum. Eða smit af völdum blóðgjafar sem þátt í lækni meðferð. Með tilkynningunni um smit skal óhappaskýrsla fylgja ásamt staðfestingu á neikvæðri niðurstöðu úr HIV mótefnamælingu sem tekin var strax eftir óhappið. Breyting í jákvætt próf skal hafa gerst innan 6 mánaða frá óhappinu.

Atvik það sem orsakar smit skal hafa átt sér stað á gildistíma váttryggingarinnar og verður að fullnægja eftirfarandi skilyrðum:

- Atvikið verður að hafa verið tilkynnt til viðkomandi yfirvalda og rannsókn þess verður að hafa verið framkvæmd með viðurkenndum aðferðum,
- einnig verður að fara fram annað HIV mótefnapróf innan 12 mánaða, sem staðfestir að eyðniveiran (HIV) hafi komið fram eða að HIV-mótefni séu til staðar,
- atvikið sem valdið hefur smiti verður að hafa átt sér stað á Íslandi.

#### 8.4.3 BÓTAFJÁRHÆÐ OG RÉTTHAFI

Sjúkdómabætur eru föst fjárhæð valin í upphafi og greiddar í eingreiðslu til váttryggingartaka.

Bótafjárhæð er tilgreind á váttryggingarskírteini og heimasíðu félagsins.

##### 8.4.4 TAKMÖRKUN Á SJÚKDÓMAVERND

Bætur greiðast einu sinni vegna hvers sjúkdóms sbr. 8.4.1 hér að framan en váttryggingin gildir áfram fyrir aðrar sjúkdómstegundir sem þar koma fram. Þetta þýðir t.d. að aðeins einu sinni fást greiddar bætur vegna krabbameins.

Ef greiddar eru sjúkdómabætur greiðast ekki dagpeningar vegna umönnunar á heimili sbr. 8.3.

##### 8.5. DÁNARBÆTUR

Váttryggingin greiðir bætur til váttryggingartaka ef hinn váttryggði deyr á meðan hún er í gildi. Bótafjárhæð er tilgreind í váttryggingarskírteini og á heimasíðu félagsins.

Um réttthafa dánarbóta eftir 18 ára aldur fer eftir ákvæðum XV. kafla laga nr. 30/2004 um váttryggingarsamninga.

Við greiðslu dánarbóta samkvæmt þessari grein fellur váttryggingin úr gildi.

## 8.6 IÐGJALDAFRELSI

Ef váttryggingartaki OKKAR Framtíðar, yngri en 65 ára, fellur frá á gildistíma váttryggingarinnar, greiðir félagið iðgjald váttryggingarinnar út samningstíma hennar.

Það er þó háð því skilyrði að váttryggingin hafi verið í gildi í 24 mánuði þegar andlátíð ber að höndum.

## 9. GR. TAKMARKANIR Á BÓTARÉTTI

### 9.1. SJÚKDÓMAR OG ÁSTAND SEM EKKI ER BÆTT

Sjúkdómar sem þessi váttrygging tekur ekki til eru eftirfarandi:

- Dreyrasýki ICD10 D66 og D67
- Þroskafrávik ICD10 F70-F99 (t.d. ADHD (athyglisbrestur/ofvirkni), einhverfa, seinproski)
- Sjúkdómar í miðtauga- og vöðvakerfi ICD10 G11, G12, G60, G71 og G80 (t.d. CP (heilalömun), vöðvarýrnun)
- Flogaveiki ICD10 G40
- Leiðni- og skyntaugaheymartap ICD10 H90
- Meðfædd fötlun eða litningafrávik ICD10 Q00-Q99 (t.d. Downs heilkenni, vansköpuð innvortis líffæri)
- Geðrænin sjúkdómar ICD10 F00-F69.

### 9.2. DVÖL ERLENDIS

Takmörkun váttryggingarverndar vegna dvalar erlendis kemur fram í 3. gr.

Vanræki váttryggður að tilkynna um búsetubreytingu getur það haft áhrif á ábyrgð félagsins, sbr. 88. gr. laga um váttryggingarsamninga nr. 30/2004.

### 9.3. ÁFENGI OG FÍKNIEFNI

Váttryggingin tekur ekki til sjúkdóms eða slyss sem telja má að stafi af misnotkun á áfengi, lyfjum, eiturlyfjum eða þess háttar.

### 9.4. ANNÐ ÁSTAND SEM EKKI ER BÆTT

Slys sem verður vegna meðvitaðrar háttsemi er ekki bætt.

Félagið ber ekki ábyrgð á sjálfsvígi eða sjálfsvígstilraun sem rakin verður til geðrænna sjúkdóma.

## 10. GR. SKYLDUR VÁTRYGGINGARTAKA VIÐ TJÓNSATBURÐ

Verði tjón sem talið er að váttryggingarskilmálar þessir taki til, skal tilkynna það félaginu án ástæðulauss dráttar og ef félagið metur þörf á, mæta til skoðunar hjá þeim lækni sem félagið tilnefnir.

Rétthafi glatar rétti til bóta ef krafa er ekki gerð um bætur til félagsins **innan árs** frá því að hann fékk vitneskju um þau atvik sem hún er reist á.

## 11. GR. IÐGJALDABREYTINGAR

Iðgjald fyrir váttryggingu þessa er reiknað samkvæmt gildandi iðgjaldaskrá félagsins á hverjum tíma.

## 12. GR. VÍSITÖLUBINDING VÁTRYGGINGARFJÁRHÆÐAR OG IÐGJALDS

Váttryggingarfjárhæð sú sem tilgreind er í skirteini eða tilkynningu um aðalgjalddaga breytist á aðalgjalddaga ár hvert í samræmi við breytingar á vísitölu neysluverðs frá grunnvísitölu. Grunnvísitala er vísitala neysluverðs útgefin í mánuðinum á undan útgáfumánuði/aðalgjalddaga.

Iðgjald breytist í samræmi við breytingu váttryggingarfjárhæðar. Lækki vísitalan, hefur það hvorki áhrif til lækkunar váttryggingarfjárhæðar eða iðgjalds.

## 13. GR. FYRNING

Um fyrningu bótakrafna fer eftir ákvæðum laga nr. 30/2004 um váttryggingarsamninga.

## 14. GR. ÁGREININGUR UM BÓTASKYLDU

Með frágangi formlegs málskots og greiðslu málskotsgjalds er unnt að leggja ágreining um bótaskyldu, sök og sakarskiptingu auk ágreinings um atriði, er varða ákvæði laga nr. 30/2004, fyrir Úrskurðarnefnd í váttryggingamálum, sem vistuð er hjá Fjármálaeftirlitinu. Upplýsingar um nefnd þessa og starfshætti veitir Fjármálaeftirlitið.

Þjónusta nefndarinnar eða málskot til hennar skerðir ekki rétt hlutaðeigandi til að leggja málið fyrir almenna dómstóla hér á landi.

## 15. GR. FRESTUR TIL LÖGFRÆDILEGRA AÐGERÐA

Hafni félagið kröfu um bætur í heild eða að hluta glatar sá sem rétt á til bóta þeim rétti ef hann hefur ekki höfðað mál eða krafist meðferðar málsins fyrir úrskurðarnefnd skv. 141. gr. laga nr. 30/2004 innan árs frá því að hann fékk skriflega tilkynningu um höfnunina frá félaginu.

## 16. GR. MÁLSMEÐFERÐ

Mál sem rísa kunna út af váttryggingu þessari skulu rekin fyrir héraðsdómi Reykjavíkur.

Skilmálar nr. BA1076  
Gilda frá og með 1.06.2016